



Broj: 04-GV-04-1062/23
Sarajevo, 10.07.2023. godine

ZAPISNIK O RADU
20. SJEDNICE ODBORA ZA LOKALNI BIZNIS I TURIZAM
GRADSKOG VIJEĆA GRADA SARAJEVA
održane 10.07.2023. godine

Prisutni:

1. Nermin Džino, predsjedavajući
2. Jasmin Skorupan, član
3. Miodrag Spasojević, član
4. Almir Softić, član
5. Amina Šuman-Brkić, članica
6. Irmin Pita, član,

Odsutna: Senka Tahmaz, zamjenica predsjedavajućeg

Sjednici iz Gradske službe za Gradsko vijeće prisustvuju:

- Mirjana Đanović Stanić, rukovodilac Stručne službe za poslove Gradskog vijeća Grada Sarajeva

Sjednici prisustvuju:

- Dženana Šarčević, ispred Stručne službe za poslove kabineta i Gradske uprave,
- Elvir Hadžiahmetović, pomoćnik Gradonačelnice za lokalno poslovanje.

Predsjedavajući Odbora je u 14:05 sati otvorio sjednicu, pozdravio prisutne i utvrdio kvorum za punovažan rad i odlučivanje, te pozdravio i zaželio u ime Odbora dobrodošlicu novoizabranom članu Miodragu Spasojeviću.

Sjednica je započela razmatranjem i jednoglasnim usvajanjem Zapisnika o radu 19. sjednice Odbora za lokalni biznis i turizam Gradskog vijeća Grada Sarajeva održane 11.04.2023. godine.

Na prijedlog Predsjedavajućeg Odbora, jednoglasno je usvojen sljedeći **dnevni red**:

1. Informacija o broju noćenja i popunjenosti turističkih kapaciteta u gradu Sarajevu u vrijeme novogodišnjih praznika i javnog dočeka Nove 2023. godine i ostvarenim porezima i ostalim prihodima
2. Tekuća pitanja

TAČKA 1.

Informacija o broju noćenja i popunjenosti turističkih kapaciteta u gradu Sarajevu u vrijeme novogodišnjih praznika i javnog dočeka Nove 2023. godine i ostvarenim porezima i ostalim prihodima

Uvodno izlaganje podnio je Elvir Hadžiahmetović, pomoćnik Gradonačelnice za lokalno poslovanje.



Usljediła je diskusija u kojoj su učestvovali članovi Odbora Jasmin Skorupan i Miodrag Spasojević, te Nermin Džino, predsjedavajući Odbora, a odgovore na pitanja proizišla iz diskusije dao je Elvir Hadžiahmetović, pomoćnik Gradonačelnice za lokalno poslovanje.

Poslije uvodnog izlaganja i diskusije, te sažetka Predsjedavajućeg, Odbor za lokalni biznis i turizam je jednoglasno usvojio sljedeće **zaključke**:

1. Odbor za lokalni biznis i turizam sugeriše Gradskom vijeću Grada Sarajeva da razmatra *Informaciju o broju noćenja i popunjenosti turističkih kapaciteta u gradu Sarajevu u vrijeme novogodišnjih praznika i javnog dočeka Nove 2023. godine i ostvarenim porezima i ostalim prihodim i primi je k znanju.*
2. Odbor za lokalni biznis i turizam konstatuje da se službeno bilježi puno manji broj turista nego li je to objektivno bilo vidljivo u periodu Nove godine i upućuje inicijativu inspekcijским organima da intenziviraju aktivnosti u provođenju inspekcijских pregleda a posebno u periodima godine kada se evidentira veća posjećenost od one formalno zabilježene.
3. Odbor za lokalni biznis i turizam upućuje inicijativu nadležnim organima vlasti, te Turističkoj zajednici Kantona Sarajevo, odnosno Poreznoj upravi Federacije BiH da poduzmu potrebne mjere i aktivnosti da se uvede sistem elektronske prijave gostiju u privatnom smještaju, te elektronska prijava poreza za privatni smještaj, kao dio novog sistemskog rješenja za odobravanje pružanja usluga iznajmljivanja privatnog smještaja na području Kantona Sarajevo.
4. Odbor za lokalni biznis i turizam predlaže gradonačelnici Grada Sarajeva da što je moguće prije pristupi pripremi organizacije dočeka za Novu 2024. godinu, s ciljem poboljšanja turističke ponude u gradu Sarajevu, a kako bi se što ranije dogovorilo održavanje koncerata sa odgovarajućim izvođačima (npr. Edin Dervišhalidović, Amira Medunjanin, sastav Divanhana, Halid Bešlić i sl.) na samu novogodišnju noć, ali za jedan od narednih dana poslije, te da se planira više aktivnosti neposredno prije Nove godine i nakon Nove godine, kako bi se produžio boravak turista u Kantonu Sarajevo (Holiday Market u Ferhadiji je takav pozitivan primjer).
5. Odbor za lokalni biznis i turizam predlaže da se ubuduće u okviru ove informacije, daje i pregled paralelnih podataka za prethodne godine, te da se navodi koji izvođači su bili angažirani na koncertima u povodu dočeka Nove godine.

TAČKA 2.

Tekuća pitanja

Poslije diskusije iz koje su proizišli prijedlozi za zaključivanje, Odbor za lokalni biznis i turizam je odlučio kako slijedi.

I. Odbor za lokalni biznis i turizam je jednoglasno usvojio sljedeći **zaključak:**

Odbor za lokalni biznis i turizam konstatuje da je pohvalan angažman MUP-a Kantona Sarajevo na suzbijanju kriminaliteta i džeparenja u užoj gradskoj jezgri, što donosi svoje benefite u turizmu i nadamo se da će u sljedećem periodu pojačati napore da održe ovakvo dobro stanje.

II. Odbor za lokalni biznis i turizam je jednoglasno usvojio sljedeći **zaključak:**

Odbor za lokalni biznis i turizam upućuje inicijativu JP Aerodromu Sarajevo da razmotri mogućnost da se smanje aerodromske takse te da se uradi sve potrebno da sa niskobudžetnim avioprevoznicima dogovori veći broj letova za Sarajevo, te da se ova inicijativa dostavi i nadležnom organu Kantona Sarajevo radi koordinacije.

Potrebno je da se Gradsko vijeće Grada Sarajeva izjasni o ovoj inicijativi kako bi postala inicijativom Gradskog vijeća.

III. Odbor za lokalni biznis i turizam je jednoglasno usvojio sljedeći **zaključak:**

Odbor za lokalni biznis i turizam upućuje inicijativu Ministarstvu Kantona Sarajevo da se omogući i drugim taxi prevoznicima, pored Udruženja Sarajevo Taxi da mogu dovoziti, odnosno preuzimati putnike ispred aerodromskog terminala, čime bi se smanjio monopol Udruženja Sarajevo Taxi i povećala konkurentnost, te tako poboljšala taxi usluga.

Potrebno je da se Gradsko vijeće Grada Sarajeva izjasni o ovoj inicijativi kako bi postala inicijativom Gradskog vijeća.

IV. Odbor za lokalni biznis i turizam je jednoglasno usvojio sljedeći **zaključak:**

Odbor za lokalni biznis i turizam upućuje inicijativu umjetničkim galerijama da poduzmu potrebno da se postavke izložbi u ljetnom periodu prilagode okolnosti da veliki broj turista dolazi u Sarajevo i želi obići postavljene izložbe.

Sjednici je prisustvovala Dženana Šarčević, ispred Stručne službe za poslove kabineta i Gradske uprave, te je dala kratko obrazloženje za Informaciju o realizaciji vijećničkih pitanja i inicijativa koja je upućena ovom radnom tijelu kao informativni materijal, na znanje.

PREDSJEDAVAJUĆI ODBORA

Nermin Džino, s.r.

Predsjedavajući Odbora je u 14:55 sati zaključio rad 20. sjednice Odbora za lokalni biznis i turizam Gradskog vijeća Grada Sarajeva.